

22/08/2003

Perutusan Mahathir ke 3 negara Islam

KUALA LUMPUR: Menteri Di Jabatan Perdana Menteri, Datuk Seri Dr Rais Yatim berlepas ke Dubai malam tadi dalam perjalanan ke tiga negara Islam, selaku utusan khas Perdana Menteri sempena Sidang Kemuncak Pertubuhan Persidangan Islam (OIC) ke-10.

Rais dijadual mengunjungi ketua-ketua kerajaan dan negara Emiriyah Arab Bersatu (UAE), Yaman dan Iran bagi menyerahkan perutusan khas Perdana Menteri mengundang mereka untuk menghadiri sidang kemuncak OIC dari 11 hingga 18 Oktober ini.

Setiausaha akhbarinya, Syed Imran Syed Ahmad dalam satu kenyataan berkata, Rais dijadual mengunjungi Ketua Negara UAE, Zayid Sultan Al Nuhayyan pada Sabtu ini di Abu Dhabi; Presiden Yaman, Ali Abdallah Salih pada Isnin depan di Sana'a dan Presiden Iran, Mohammad Khatami pada hari Rabu di Tehran.

Malaysia adalah negara Islam pertama di rantau Asia Pasifik yang akan menjadi tuan rumah Sidang Kemuncak OIC dan seterusnya menjadi pengerusi pertubuhan itu.